



မရာဒံဂေလိအသင်းတော်

MYANMAR EVANGELICAL MISSION

7/68, Chinpyan Road, Kyaungkyi Lane Ward, Sittwe, Rakhine State, MYANMAR
Email: rakhinemission@gmail.com Phone: +95-43-21873; 09454287108

To

MEC EMM Rept 0012/2020-24

November 10, 2023

1. Rev A Rakhai, Executive Secretary ,MEC Hqrs. Sabyhpi
2. Rev Pheitha LV, Executive Secretary ,ECM Hqrs. Siaha

A thatih; Quarterly (August, September, October) Report piena

Krista liata nopaw ngachhihpa y, Beichaipa Krista Zisu mohta ei châ naoh na.

Acho thatih nata azaopa ta nama thlahchha kheî lymapa Myanmar Evangelical Mission ta August, September, October, November khophie taih raihriana duahmo cha he a ry lia hawhna he ta zae ngasa na chôta eima cha vaw report ei.

MEM Office chakaona duahmo

1. MEM office liata chakaotuhpazy cha, Director nata chhohkha maluh 7, Accountant nata chhohkha maluh 5, Cashier nata chhohkha maluh 3, Peon nata chhohkha maluh 6 cha pi ta eima zydua maluh 21 eima pha.
2. August thla thaona liata Evan. Macha Vabeikhoh ta “Thlahpa chhithana” Rom. 8:14 bie hmâpa ta noh 4 miah a hmâ kheî. Samaritan Group tawhta Mocha Relief raina chakaona kyh nata Khazohpa bie ta tha apatlôna cha ta Training miah vaw tao kheî ei ta cha liata Myo field nata Myokhami field zy tawhta chakaotuhzy vaw kiah chyu ei ta, keimo Office tawhta chhao eima kiah hra.
3. September thla chhoh he Director nata chhohkhanô Daw Nunusein zy Laymyo field la liata khitlyna ama hnei. Tanthaung, Alendi, Mosochi, Kophechi, Buchaungwa, Kidaw, Kophesin khi 7 zy tlypa ta Awnano chhithatuhzy chakaona training nata Nônawh nata hawtinawhzy hnatlâna nata khitlah hnatlana training zy eima tao kheî lai hlyma. Awnanopa chakaotuh, sahlaozy nata tlah lei chieleipazy ama ly ngasa sai.
4. October thla chhoh he Hnatlana training châbu a chhâ haw chy pa vâta bu 100 he taochhih via heihpa a châ. A hmiatuapa he bo 5 taih a y pa cha ta, bo 2 baichhih via pata bo 7 taih taopa a châ. Abu thiehpâ hmâ pathaona châta Myo field Butitaung nata maundaw bia la liata Butitaung, Khamauseik nata Minbau IDP zy liata training tao theipa a châ hra. October thla chhana lâ ta Headquarters lâ tawhta GS nata AGS zy miah zatlyh thei ei ta, Mocha relief einona chhao miah ama za phaopa pa vâta eima ly ngasa. Field Secretary zy hruapa pata meeiting noh 2 miah a ma tyu kheî. AGS ta apohpa cheingei ta miah ypâ pata relief raihria lia miah a pasyupaka pha lyma hra.

5. November thaona lâ he Myokhami field Nichein nata Kanchepyi khieh zy tlypata Training zy taokheipa nata Assembly project Kanchepyin Achhyna o nata Mocha project Niechein a chhyna o zy sa nawpa châ thapatlôna zy hneipa a châ. Amo awnanopa tawhta theina zie lyima ta thapapua lyima awpa chhao ama mâ thlahana kyh zy thei pi ta aly a chhieh ngasa. Myahle Achhyna o chhao he Mocha project tawhta sa pathao awpa ta Mch. Maung Hla, Paletwa hnohta a hawna hneipa a cha.
6. EMM Compound he EMM Office staff chhohkha zy, Thohna angiapa khichhai zy, Training akiahpa zy, University a kiahpazy, Distance University Ezah pazy, khityhpa zy tahpa ta châna duahmo nano nano ta pahrâna nata tlôkiana su ta a châ. Achâh ta cha eima office raihriana he Hqrs lâ ta regular raihriana duahmo zy nata alyu leina hluhpi chhao a y tyh hra. He liata eima office staff zy chhao tiama papuapa ta ama raihria chy liata ama rapasua ngasa chy hra.
7. EMM chakaotuhzy deichhyna thla hlao he Awnanopa local church mission board to tiama papuana nata Hqrs. Nôpaw zy phahnai ngiahna zawzi vâta October taih he eima vaw thaopa thei haw. Pupa Zawhlai chhohkha, Lialaipi tawhta Ks 5 lakhs hryupa ta EMM Office lia Krismas miah ama taopa awpa vâta ei maly ngaita chy hra.
8. A tako ta Mission field lata Krismas miah a vaw patlopa awpa ta thatih eima thei chhili chypa zy cha a ry liata eima vaw palasa.
 - (1) Idianapolis MEC local church KHP
 - (2) Pupa Zawhlai chhohkha, Lialaipi
 - (3) Rev Sa E Hmo chhohkha, Sub. Hqrs. Ngephepi
 - (4) Mch Sehlo chhohkha, Lialaipi
 - (5) Pino Paw Do (Christinano-Aru), Malaysia
 - (6) Pupa Biezangia chhohkha (Dawlei), North Carolina, USA
 - (7) Thatih miah a vaw pathei mah leipa ama y holo chy.....
9. Fie Elli Shwe, tawhta EMM missionary lapino zy thatihpha lia a pathiehna chata donation soh miah vaw paphao ta eimaly ngasa. December thaona lata EMM Office liata taopa ta pachhuahpanoh haipa a cha.



Mosochi Training



Alendi Training



Buchaungwa Training



Kophesin Training



Kanchepyin Training



Butitaung Training



Mocha Relief raina meeting



Relief hmodah raina

MEM Field chhoh duahmo

1. Asho field

Asho field liana he Missionary eima tuapa zy Rev. Daikau, Rev. Vabeiluah nata Pro. Pastor Sokhai zy mo 3 nata arah chyhsa chakaotuh Evangelist 3 nata Project Workers 5 zy ta ama chakao hai. Pastoral chakaona he Rev. Daikau ta Ann khichhoh awnanopa he a vao. Rev Sokhai ta Meletmaung, Kandaukyi zy a vao ta, Rev Vabeiluah ta Dalet chavah kao khihzy he a vao. Missionary Leader Paw he Ngaunsau khih liata y ta a hna tla chypa ta a cha.

Asho field khihpi chaipa he Ann khihpi châ ta, eima awnanopa Riapaih ta a vaw râ penawh he su 2 ta a mâ pakhy tyh. Khih asa penawn he su 1 ta a mâ pakhy hra. Field chhoh khitaw lâ tawhta chieleipazy ta thohna o ama vaw pangai chaina su châ ta, a chah ta athipa nata operation pazy ama y tyhpa vâta chakaotuhzy ama rairu khei ngaita tyh. Ama field Secretary Rev Daikau he June 11, 2024 liata pension a daih ba aw.

Meletmau khih he local church pha ngasapa châ ta, a takô liata ngiapâ thiehpâ eima hmô hluch chaina su ta a cha. Ama a chhyna O chyh khâh tu haw ba ei ta a kasu khao veih ei. Chavâta a cha ie ngasapa ta a mâ pakhy tyh. Atahma he ama awnanopa sahlao ta tiama papua ei ta a chhyna o pakawhna rai ama hria lichih hai. July-August liata tilaipa kha ta awnanopa o mia 5 vao haw ta Mocha relief tawhta Ks. 50,000/- ta thlahchhâ kheipa ama châ.

Siankung awnanopa he odyh 8 châ ei ta, High School y na a châpa vâta Field awnanopa Saku hawti nawh hluhpi ama deichhupa a châ. Evan Bashwe nata Sayama Khin Mar Aye chhithapa ta Quarter liata Saku hawti zy châ pamosapa a ma châ. Office la tawhta chhao White board miakha nata Copy châbu Dazen pô 1 chy ta deichhy theipa ama châ. September –October chhòh liata ngiapâ thiehpa mo 7 bati pa a ma châ. Asho field he thotlah rah la cha lyu taopa sai châ ei ta, ama kô vei a pha sai pata pahnopa a châ. 2023 Krismas he Indiana MEC KHP tawhta Ks. 15 lakhs ta Siankung liata miah ama vaw taopa aw.



Meletmau Chhyna o



Ngiapâ thiehpa Batina



Siankung awnanopa



Siakung Saku hawtizy



Ti vaopa Meletmau



Kandaukyi Quarter

2. Hlaytu Field

Hlaytu field liata missionary ta eima tuapa Rev Va u(Field Secretary), Mission Pastor Lytu nata Evangelist Emali zy mo 3 nata arah chyhsa mo 4(Rev. 1, Mission Pastor 1, nata Biehrail achu haipa Pro Pastor 1,) zy ta ama chakao haipa field ta a châ. October thla chhòh liana khata Rev. Than Tun he Panchaung tawhta Alepuzaw la a paly thei haw ta, MP Lytu chhao Panchaung khieh la a paly thei haw hra.

Missionary Evan Lytu he awnanopa sahlaozy oto lata thlahchha kheina lia a tiama ngasapa a cha. Panchaung la apaly tawhta Panchaung awnanopa zy ama lyu lata siehnao laih ta thlahchhana ahneipa laih lymapa va ei ta, a awnanopazy ama ly ngaita sai. Missionary Evan. Emali chhao he a chakaona Chwechaung khieh saku liata châ pachu tiama ngasapa a châ.

Chwechaung bia he Rev. Va u ta a vao. Panchaung bia he MP Lytu ta a vao. Sokat bia he MP. Than Maung ta a vao. Alepuzawh bia he Rev. Than Tun ta a vao tahpa ta ama chhitha haipa a châ. Atahma ama field liata ama bia chy ta chakaona tiama ama papua lichih nota a cha. Pro Pastor Lin Aung nata Miss Sanda Aye zy LTC liata a ma chu hai. A takô ama kaw patlô aw.

Thotlah rah lata cha ama lyu kô vei pha ngasa ta, sah zy a ma paveipha ngasa sai. 2023 Krismas he Mch. Sehlô chhohkha, Lialaipi ta Ks 10 lakhs hryuhpa ta Ngahi khih liata miah ama patlôpa aw. Pinô Pawdo (Christinanô), Malaysia chhohkha tawhta Ks. 9 lakhs hryuhpata Chwechaung khih liata miah ama vaw patlôpa hra aw.



Rev Va u (Naing Oo)



Mission Pastor Lytu



Evan Emali

3. Laymyo Field

Laymyo field liana heta cha Missionary eima tuapa achakao nga haipa vaw y tla khao veih ei. Missionary Pension pa Rev. Thlachhau he Cheidaw(Kidaw) khih liata y ta, Rev Sauko he Hmuntanu khih liata nata Sayama Pawzau he Chaisanu(Khachanu) khih liata ama y. Tahma cha amo arah chyhsazy chakaotuhzy dei sai cha eita mo 10 (Rev. 5, Mission Pastor 1, Pro Pastor 1 nata Evangelist 3) zy ta ama yna su chy liata tiama ngasa pata ama chakao hai nota acha. Rev Phwet Thang he September 20, 2024 liata pension a daih ba aw.

September chhôn liana kha EM Office la tawhta local church 7 Tanthaung local, Alendi local, Mosochi local, Kopheichi local, Buchaungwa local, Kidaw local nata Kophesin local church zy liata chakaona nata hnatlana training hnei khei theipa ama châ. Ananopa chakaotuh zy nata sahlao zydua chhao tiama ngaitap at vaw kiah sai ei ta, ama thathyu ngasa ta ama ly kaw sai. Hmuntanu bia nata Khaichanu bia deikua lapi sinô rairu chypa vâta tao thei mah leipa châ ta ma palôh y ngasa pata pahnopa a châ.

Laymyo awnanopa he ochâ pachô ba awpa ta pachhuhpanoh pathao ba awpa a cha. November 2, 2023 liata EMM Office liata GS, AGS, Director, Field secretary zy chhao ta ahmôna hneipa cha ta, amo la tawhta Field secretary nata Biatuhpa Pastor nopaw pakha a ma vaw tlô. Amâ pachhuhpanohna kyh zy reipahmaohpa cha ta, Awnaopa constitution zy ama tao chhili pazy hmôpa chata a lypa ama châ kaw. Amo tawhta Yangon liata Awnanopa local church miakha nata Preaching sation miakha ama duah thei haw hra. Malaysia liata chhao local church miakha padua thei awpa ta thlah ama chha hai nota a cha.

Assembly project taopa ama field office sana châta bâlu nata rôrâ zy amo thazah tata ama pahmaoh hai nota a cha. 2023 Krismas he Puhpa Zawhlai chhohkha, Lialaipi ta Ks. 15 lakhs hryupa ta Chaupauk khih liata miah ama patlôpa aw. Chaupauk khih nata Chichaung khih zy he Tanthaung vathi lâ a y pa châ ei ta, Laytuh chipho nata a hnia ngasapa a ma châ.



Alendi Training



Mosochi Training



Kophesin Training



Yangon LEC local church



Hmawbi LEC Preaching Station

4. Myo khami Field

Myo-Khami field liana heta missionary ta eima tuapa achakao nga haipa Rev. Beichhitha(Field Secretary), Rev Awkho, Pastor Tehlie zy mo 3 cha eita, arah chyhsa chakaotuhpa 9 (Rev. 2, Evangelist 6, Project worker 2) zy ta a ma yna su chyu liata tiama papuapa ta a ma chakaonga sai nota a cha.

Myo khami field he a takô Mocha thlipi ta a su pasachaina a châ. Chavâta Awnanozy thata rairu daihtypa ta ama y chyu. MEC Awnanopa tawhta thlahchhâ kheina relief sôh he odyh 1 ta Ks. 90,000/- chyu piepa a châ. Quarter 5 nata achhyna o 2 zy chhao relief sôh tawhta sapa theipa kha a châ hra.

Samaritan Awnanopa tawhta Mocha relief sapha, dailua, sathaw zy nata râhvâ phia 18 chyu dao ei ta ama ly ngasa sai. Râhvâ ama dao daihti liata Ngapyawchaung mo châta ama thaopa râhvâ phia 200 hleipa he balyh ta ma siekheina liata ti ry la balyh chhao ta ama pathla pathlei haw. Hata eino chhôhpo tlai tiry atla thaipa pathaosa ei ta phia 10 hlei deikua hmô thei khao veih ei. Eima missionary Rev Awkho chhao ti lia tla pahru ta ama puakhei chalah thei haw.

MEC Life Saving Project tawhta relief chhao Odyh kha ta sapha, dailua, sathaw nata hawtinawh copy châbu zy rai theipa châ ei ta, Nichein achhyna o chhao sapa thei awpa a châ vata ama ly ngaita sai. Headquarters tawh eima nôpawpa Rev Dr Sikhaw, AGS pôhpa cheingei ta eino lâ taih miah vaw buaba kheh lyima ta a chôta eima ly hmeiseih.

Nichein nata Kanchepyin local church miano liata chakaona nata hnatlana training zy taopa theipa ama châ hra. Nichein achhyna O he relief budget ta nata Kanchepyin Achhyna o he Assembly project budget ta November nata December liata sa patlô thei awpa ta hailawma ta thlahchhâna chôta arapasua haipa a châ. Atahma la liata cha Myo-Khami field liata ngiapa thiehpa mo 28 tlai batipa ama vaw chapa he thata eima ly ngaita.



Nichhei achhyna O



Ngapyuachaung achhyna O



Kacheinpyin Quarter



Balyh ti atla hawpa ama dao



Mocha Thlipi Rairu baona ma rai hai



Nichein Training



Kancheinpyin training

5. Myo Field

Myo field liata missionary ta eima tuapa Rev. Thaiki, Rev. Khailua, Evan Vasoh, Evan Neingie, Evan Laihe zy nata arah chyhsa chakaotuh 9 (Rev. 1, Mission Pastor 1, Evangelist 7, Project worker 1) zy ta a ma chakao hai.

Myo field chhao he a takô Mocha thlipi ta a su pasachaina a châ hra. Chavâta Awnanozy thata rairu daihtypa ta ama y chyu. MEC Awnanopa tawhta thlahchhâ kheina relief sôh he odyh 1 ta Ks. 90,000/- chyu piepa a châ. Quarter 5 zy chhao relief sôh tawhta sapa theipa kha a châ hra. Myahle achhyna O deikua he Ks. 40 lakhs budget chhili chypa a cha.

Samaritan Awnanopa tawhta Sittwe Township nata Punankyun Township chhhoh eima awnanopa zy he Mocha relief ta Odyhkha ta sapha, dailua, sathaw zy nata râhvâ phia 18 chyu dao ei ta ama ly ngasa sai.

MEC Life Saving Project tawhta relief chhao Odyh kha ta sapha, dailua, sathaw nata hawtinawh copy châbu zy rai theipa châ ei ta, Myahle achhyna o chhao amo thazah, Assembly project nata relief budget tahpa ta Ks. 250 lakhs ta sapa thei awpa a châ vata ama ly ngaita sai. Ngasaraikai achhyna o he Paletwa local church maophao kheipa ta Mch Maung Hla nata viasa pa 3 ta za sa pathao ei ta a cho ama dia hai chy. Headquarters tawh eima nôpawpa Rev Dr Sikhaw, AGS pôhpa cheingei ta eino lâ taih relief kyh liata miah vaw buaba

khei lyma ta a chôtá eima ly hmeiseih. EMM office patopatiapa ta Butitaung, Khamauseik, Maudaw IDP (3miles) zy liata chakaona nata hnatlana training zy taopa theipa ama châ hra.



Thongbu achhyna O



Mocha relief



Mocha relief Myahle



Butitaung Training



Myahle achhyna o phie ta sapathi ba awpa

Field Statistics duahmo

Sr No	Field moh	Missio naries	Natives Workers	Local/ cell	Odyh	Maluh	Api h pa	Athi pa	Ngiapâ thiehpa	Bible chupa
1	Asho	3	8	7/2	90	586	1	-	7	1
2	Hlaytu	3	3	16/21	228	1444	5	2	1	2
3	Laymyo	-	12	19/10	455	3014	5	2	-	3
4	Myo-khami	3	10	16/8	155	862	-	-	28	
5	Myo	5	9	21/17	394	2392	12	-	-	
6	Office	4	-	1	4	19	-	-	-	
	Total	18	42	80/58	1326	8317	23	4	36	6

Field Secretary zy report hnohchaipazy liata achopata Statistics he taopa a cha. Riapaihzy , thlihpi, azaokhina rairuna nata khisa runahnazy vata apasiepasah lymapa duahmo cha ei ta ama maluh alaichadaina zie chhao ado paki theileipa a y holo tyh. Ko chhana liata statistics ado via chaipa ta palasa thei eima chhuah aw

Tha miah patlotuhpa nata Thlahchha miah baotuhpa Heaquarters nopaw zy nata miasiiion thapasatuh awnanopa sahlao mopathaihpa zydua ABeipa mohta alyna reitiah leipa bie eima cha hla chyu ei.

A raihria ronahpa lia,



Rev S Lathai

Mission Director

EMM Office, Sittway

Cc . 1. MEC Hqrs Officers

2. ECM Hqrs Officers